



SAOPŠTENJE ZA MEDIJE

Prvi test za novog ministra sigurnosti i Vijeće ministara Bosne i Hercegovine

Sarajevo, 06.02.2023.

Prirodna nepogoda stravičnih razmjera pogodila je jugoistočnu oblast Turske i dijelove Sirije. Većina bh. političara iskazala je svoju punu solidarnost sa žrtvama razornog zemljotresa. Nagovještaj ministra sigurnosti Bosne i Hercegovine, gosp. Nenada Nešića, o spremnosti za upućivanje tima mješovitog sastava civilne zaštite predstavlja i konkretan doprinos naše države u saniranju posljedica i što je najvažnije spašavanju ljudskih života u ovim kritičnim momentima.

Ostaje da se vidi koliko su naše institucije spremne i osposobljene da koordiniraju formiranje i upućivanje spasilačkog tima u krizno područje. Vježbe koje su se provodile na terenu pokazale su zavidnu spremnost naših predstavnika civilnih zaštita i srodnih institucija da sarađuju, što je i nagrađeno prošlogodišnjim članstvom Bosne i Hercegovine u Mehanizmu civilne zaštite Evropske unije.

Sposobnost da se u što kraćem vremenskom periodu uputi spasilačka ekipa u ugroženo područje, predstavljat će pravi i prvi test za djelovanje institucija sigurnosti u kriznim situacijama i nadamo se da će isti biti položen na zadovoljavajući način, uprkos složeno uspostavljenom sistemu. Vjerujemo da će ovaj humanitarni angažman biti prilika da se Bosna i Hercegovina predstavi kao funkcionalna država i da svojim praktičnim djelovanjem doprinese međunarodnom miru i sigurnosti u svijetu, odnosno da bude predstavljena kao ravnopravan partner koji sarađuje na međunarodnom planu u oblasti spašavanja i saniranja posljedica prirodnih i drugih katastrofa.

S poštovanjem,

dr. sc. Denis Hadžović

predsjednik Centra za sigurnosne studije

